

Սեպտեմբերին հերթական ընտրություններ կանցկացվեն 17 համայնքում



ԿԸՀ-ի որոշմամբ, այս տարվա ընթացքում երեք օր էր առանձնացվել հերթական ՏԻՄ ընտրությունների անցկացման համար՝ փետրվարի 17-ին, հունիսի 9-ին և սեպտեմբերի 29-ին:

Սեպտեմբերի 29-ին տեղական ինքնակառավարման մարմինների հերթական ընտրություններ են նշանակված Արարատի, Արմավիրի, Արագածոտնի, Գեղարքունիքի, Լոռու, Կոտայքի, Շիրակի, Տավուշի 17 համայնքներում:

Կին համայնքապետների թիվը համալրվեց ևս մեկով



Հունիսի 9-ին ՏԻՄ ընտրություններ անցկացվեցին համայնքապետության 23 համայնքում, որոնցից 14-ում ընտրությունները հերթական էին, իսկ 9-ում արտահերթ: Ընտրությունների արդյունքում կին համայնքապետների թիվը Հայաստանում համալրվեց ևս մեկով: Այսօր Հայաստանի 502 համայնքներից 9-ն են կանայք ղեկավարում:

Ռեկորդակիր Դիտակ համայնքը



Հունիսի 9-ին կայացած ՏԻՄ ընտրություններում ավագանու անդամի 97 թեկնածուներից 11-ն էին կին, նրանցից ընտրվել են 7-ը: Ռեկորդակիրը Արարատի մարզի Դիտակ համայնքն էր, որտեղ առաջադրված 6 թեկնածուներից 5-ը կին էին, և նրանցից 4-ն ընտրվեցին: Այժմ Դիտակ գյուղում ավագանու հինգ անդամներից 4-ը կին են:

Առավելագույն ծայներ ստացան իրենց համայնքներում



Փետրվարի 17-ին ՏԻՄ ընտրություններ անցկացվեցին հանրապետության 24 համայնքում, որոնցից 14-ում ընտրությունները հերթական էին, իսկ 10-ում՝ արտահերթ: 20 համայնքում համայնքապետ էին ընտրում, և որևէ մեկում ղեկավարի պաշտոնի համար առաջադրված կին թեկնածուներ չկային:

Համայնքներից չորսում անցկացվեցին ավագանու անդամի ընտրություններ, և դրանցից միայն 3-ում՝ Մարգարայում, Գետառիկում ու Իջևանում, ավագանու անդամ դառնալու համար պայքարող 5 կին թեկնածուներ կային: Նրանցից երեքն ընտրվեցին, ընդ որում՝ առավելագույն ծայներ ստանալով իրենց համայնքներում:

# Միևեկ և քաղաքականությունը

Ի՞նչ են փաստում ՏԻՄ-երում կանանց մասնակցության հանրային ընկալումների հետազոտության արդյունքները



2019 հասուկ թողարկում

Անվճար հավելված www.WomenNet.am



© ՄԱԿ-ի Զարգացման Ժրգիք

## «Չկա այնպիսի փաստարկ, որը կարդարացնի կանանց նվազ մասնակցությունը»

Հայաստանում տեղական ինքնակառավարման համակարգը ստեղծվեց 1995 թվականին ՀՀ Սահմանադրության ընդունումից հետո: Տեղական ինքնակառավարման մարմինների առաջին ընտրություններն անցկացվեցին 1996-ին:

Այսօր, ավելի քան քսան տարի անց, համակարգը դեռևս զարգացման փուլում է, անելիքներ շատ կան, հատկապես ավագանու ինստիտուտի կայացման ուղղությամբ: Հանրապետությունում շարունակվում է վերջին տարիներին սկիզբ արած համայնքների խոշորացման գործընթացը, որը, ըստ 2011 թվականին ընդունված «Համայնքների խոշորացման և միջհամայնքային միավորումների ձևավորման հայեցակարգի», նպատակ ունի տնտեսապես ավելի կայուն համայնքներ ունենալու և համայնքների միավորված ռեսուրսները (մարդկային, ֆինանսական, հողային և այլն) առավել արդյունավետ օգտագործելու: Արդյունքում, առաջվա մոտ հազար համայնքների փոխարեն այսօր Հայաստանում կա 502 համայնք, որից 52-ը՝ միավորված համայնքներ են:

ՏԻՄ համակարգի կայացածության ցուցանիշներից մեկն էլ կանանց մասնակցությունն է տեղական որոշումների ընդունման մակարդակում, և այդ առումով պետք է փաստել, որ կանանց թիվը ՏԻՄ-երում միշտ էլ ցածր է եղել, իսկ համայնքների խոշորացման

արդյունքում ավելի է նվազել՝ նոր «ապակե առաստաղ» գծելով կանանց համար: ՏԻՄ-երի գոյության ընթացքում կանանց թիվը համայնքների ղեկավարների թվում գրեթե չի փոխվել՝ տարիներ շարունակ մնալով միջինը 2%-ի սահմաններում, ամենաբարձր ցուցանիշը եղել է 2008-ին՝ 2.5%, ամենացածրը 2019-ի հուլիսի տվյալներով՝ 1.8%: Մինչդեռ, 2000 թվականին Հազարամյակի զարգացման նպատակների շրջանակում պետությունը պարտավորվել էր այդ թիվը առնվազն 10%-ի հասցնել: Ավագանիներում էլ կանանց ներգրավվածությունն այս պահին ընդամենը 9.3% է կազմում:

Թեև այսօր գործող Կայուն զարգացման նպատակների նոր համաձայնագրերի շրջանակում մեր պետությունը կոնկրետ նշածող կանանց մասնակցության առումով չի գծել, ակնհայտ է, որ կանանց մասնակցության բարձրացումը ներկայացվածությունը տեղական ինքնակառավարման մակարդակում Հայաստանին պատիվ չի բերում, քանի որ միջազգային չափանիշներով որակավորվում է որպես խտրականություն կանանց նկատմամբ: Հաճախ արդարացման համար ասվում է, որ կանայք

իրենք չեն ուզում առաջադրվել ՏԻՄ-երում, սակայն դրան հետևող տրամաբանական հարցը՝ թե ինչու չեն ուզում, զարմանալիորեն չի տրվում: Իսկ եթե, այնուամենայնիվ, տրվում է, ապա հազար ու մի պատճառ ու խոչընդոտ են բացահայտվում, որոնք ունակ են հարթահարելու միայն եզակի կանայք: Մնացածը գերադասում են պատասպարվել «չեն ցանկանում» պատասխանի ներքո...

Այս համատեքստում հատկանշական է ՀՀ տարածքային կառավարման և ենթակառուցվածքների նախարարի տեղակալ Վաչե Տերտերյանի դիտարկումը, որը հնչել է տարեկազմի մեկնարկած «Կանայք քաղաքականության մեջ» ծրագրի շնորհանդեսին: «Այսօր Հայաստանում ունենք 300-ից ավելի կին ավագանու անդամներ (ընդհանուր 4011-ից - խմբ.), բայց սա նվազ թիվ է, և ես կարծում եմ, որ նաև այս ծրագրի միջոցով նրանց ներգրավվածությունը ՏԻՄ համակարգում կմեծանա: Այսօր մենք տեղական ինքնակառավարման ոլորտում բարեփոխումների ընթացքում ենք, և դրա մեջ կանանց մասնակցությունն առաջնայինն է: Այս ծրագրի հիմնական թիրախը հենց ՏԻՄ մակարդակում կանանց թվի ավելացումը պետք է լինի, քանի որ վստահ եմք, որ չկա այնպիսի փաստարկ, որը կարդարացնի նրանց ավելի նվազ մասնակցությունը...»

Շարունակությունը՝ էջ 2

### Կանայք համայնքների ղեկին

- Հանրապետության տասը մարզերից չորսում՝ Արագածոտնում, Տավուշում, Վայոց ձորում, Այունիքում, կին համայնքի ղեկավարներ չկան:
- 49 քաղաքային համայնքներից միայն մեկն էլ կին ղեկավարում՝ վերջերս ընտրված Էջմիածնի քաղաքապետ Դիանա Գասպարյանը:
- 52 միավորված/խոշորացված համայնքներից միայն մեկն էլ կին ղեկավարում՝ Ամասիայի Էջմիածնի ղեկավար Ջենմա Հարությունյանը:
- Կանայք ընդամենը 5.8% են կազմում բնակավայրերի վարչական ղեկավարների թվում՝ 413 վարչական ղեկավարներից միայն 24-ն են կին:

**Ընդ որում.**  
Եթե 2008-ի տվյալներով հանրապետության 915 համայնքներից 24-ն էին (2.6%) կանայք ղեկավարում, 2016-ին՝ 793 համայնքներից 17-ը (2.1%), ապա 2019-ին՝ հուլիսի ամսվա տվյալներով, 502 համայնքներից միայն 9-ն են կանայք ղեկավարում (1.8%):  
Կանայք ղեկավարում են Արարատի մարզի Վերին Դվին (Լյուդմիլա Պետրովա), Արմավիրի մարզի Էջմիածին (Դիանա Գասպարյան), Արևաշատ (Սուսաննա Գևորգյան), Արտամետ (Անահիտ Դավթյան), Գեղարքունիքի մարզի Գեղաքար (Կարինե Մարտիրոսյան), Լոռու մարզի Բազում (Արթուրի Հարությունյան), Քարածոր (Հրանուշ Ռոստոմյան), Կոտայքի մարզի Նոր Երզնկա (Ալինա Հարությունյան), Շիրակի մարզի խոշորացված Ամասիա (Ջենմա Հարությունյան) համայնքները:

Շարունակությունը՝ էջ 4







